

Delozacije tokom zimskog periodam

Usljed cestih pogresnih tumacenja vezanih za vršenje delozacija tokom zimskog perioda, Ured Visokog predstavnika ovim putem zeli jos jednom pojasniti situaciju.

Provedba imovinskih zakona nastavice se istim tempom i tokom zimskog perioda. Taj proces podrazumijeva i deloziranje privremenih korisnika iz stanova za koje su podneseni zahtjevi za povrat, kao i deloziranje visestrukih i nezakonitih korisnika iz stanova u kojima trenutno borave, bez obzira na to da li su za te stanove podneseni zahtjevi za povrat ili ne.

Prema imovinskim zakonima i drugim vazecim propisima koji se odnose na raseljene osobe i izbjeglice, sve osobe koje nemaju rijeseno stambeno pitanje imaju pravo na dodjelu smjestaja. Rjesavanje pitanja smjestaja tih kategorija stanovnistva jeste odgovornost lokalnih organa vlasti. U tom smislu, lokalni organi vlasti duzni su naci stambeni prostor koji se moze koristiti kao alternativni smjestaj i omoguciti osobama cije se stambeno pitanje ne moze rijesiti na drugi nacin da taj prostor koriste.

Ukoliko lokalni organi vlasti budu savjesno obavljali svoj posao, zimski mjeseci nece predstavljati prijetnju raseljenim osobama ili izbjeglicama. Zadatak lokalnih organa vlasti jeste da pruzaju usluge svome stanovnistvu i, u sklopu toga, obezbijede smjestaj onima kojima je on potreban.